

الرشاد

س ۱ ۳۰ ۳ ۱ ۳ ۱

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیة در
اتبعون اهدکم سبیل الرشاد

صاحب و مدیر مسئول : ح . اشرف ادیب

عربلر کتب یونانیه نك الك مشهورلری لغتلینه ترجمه ایتمهک باشلادیلر؛ حتی دین نقطه نظرندن اعتقاد عامیه مضرتی اولان برطاقم قصائدی بيله علمانك مطلع اولدیغی سربانی لغته ترجمه ایتدیله.

بوصورتله مسلمانلر علومك كافة شعبانده استاذكل اولمشلردی چونكه قرآن کریم بونلر ایچون بر ساحة جولان ایدی هرايستدکلریغی آنده بولورلردی. اوروپا علماسنك كشفنه هنوز موفق اولدقلری بر جوق حقیقتلری قرآن خبر ویریوردی. بناءً علیه اسلاملر قدرت فاطره نك بخش ایش اولدیغی بوشیش صحرا ده جولان ایدهرك دنیانك هر طرفه مدنیت تخمین سربدیله. شوالده « اسلامیت مدنیتله قابل تألیف دکلدر ...! » دیمکه وجدان نصل راضی اولور ؟

افسکیل

احمد حمدي

.....

« تورك خاقانك تخته چيقدیغی کون ... »

شو سر لوحه یی ۱۳ نومرولو « تورك یوردی » رساله سنده او قودیم وقت بردن بره نه دیمك ایسته نیلدیکنی - عثمانلیجه ایله متکلم مادرزاد بر استانبوللو اولدیغیم حالده - اکلایامدم. صوکر، آلت طرفنده « نیسانك ۱۴ نجی کونی ... » عباره سنی کورونجه جلوس هایون یوم مسعودندن بحث اولوندیغنه انتقال ایتدم.

یازیلرمزك صرف تورکجه اولاجق دییه بویه آکلاشیلماز وچتره فیل برشیوه آتوب کیمه سنه تأسف ایدوب طورورکن (وفیق پاشا) مرحومك (لهجه عثمانی) سنی آچوب (خاقان) کله سنه باقق خاطر مه کلدی. باقدم. پاشا مرحوم، اوکله ایچین شو ایضاحاتی ویرمش: « خاقان اس. چینیده هوهانك: پادشاه وشاهنشاه معناسنه اولمغه ترك وتاتار ومغول خانلری چین ایمپراطورلرینه غلبه ایدوب مستقل اولدقجه بو عنوانی قوللانمش وخاقان دیو تحریف ایتشلردر. کا صرحه عباده بیضاوی. (قآن) بونك تحریفله تعرییدر. ترك وتاتارک اولوسلری خانلرندن صاحب خروج اولانلریتون خاقان تلعب ایتشدر. دفتر خاقانی، دیوان خاقانی، نشان خاقانی، خاقان چین. » (قآن) کله سی ایچین ده « برهان قاطع ترجمه سی » شو معلوماتی یازمش: « قآن: همزه ایله چین پادشاهلرینه مخصوص علمدر. قیصر روم وشاه ایران کی. » برده (خان) کله سی حقنده تبعاتده بولوندم. لهجه عثمانیده « خان اس. چینده خانع وانغ اونغ: ملک معناسنه اولمغه تاتاردن اول چینه مستولی اولان اتراك ملوکی اول عنوانی طاقمیش وهر اولوس بیوکنه خان دیمشدر » شرحی کوردم.

بوندن صوکر - تابعیتله مفتخر بولندیغمز - دولت عثمانیه حکمدارلرینك عنوانلری آراسنده (تورك خاقانی) تعیری اولوب اولمادیغی دوشوندم. مؤسس دولت عثمان غازی حضرتلرینك، قونیه پادشاهندن علامت امارت اولمق اوزره کونده ریلن طبل و علم

اوزرینه رسماً (بك) لك واعلان استقلالی متعاقبده (خان) لق عنوانی آلدیغی، بالاخره ییلدیریم یازید خانه مصرده کی خلیفه عباسی طرفندن (سلطان اقلیم روم) لقبك ویریلدیکنی و سلطان سلیم اولك نائل خلافت اولونجه (خلیفه) عنوانیه تجیل قیلندیغی تخطر ایتدم. واقعا خلیفه مشارالیه دن صوکر کلن و عنوان دینلری خلیفه اولوب عنوان سیاسیلری (سلطان) و (پادشاه) بولونان عثمانلی حکمدارلرینك (سلطان البرین وخاقان البحرین) کی تعیرات تشریفیه ایله توصیف اولوندقلریغی خاطر لادم ایسه ده (تورك خاقانی) عنوانی آلمش برعثمانلی پادشاهی بيله مه دیمک جهتله ذات شوکتسمات شهرباری ایچین (تورك خاقانی) دنیلمه سنك حکمتی ادراك ایله مه دم. عجباً بو ترکیك معناسی عثمانلی تورکلرینك می، یوقسه بالعموم تورك عنصرینك می حکمداری دیمکدر ؟

• شق اوله کوره ایکی اولی برکویده بيله معلوم و متعارف اولان پادشاه لفظ محترمه نسبة - اصلاً چینجه اولوب خالص تورکجه اولمایان - خاقان کله سنك غرابندن صرف نظرایلدیکی حالده (تورك خاقانی) اولان جناب شوکتسأب، تورك اولمایان مسلم و غیر مسلم تبعه عثمانیه نك ده خاقانی دکل ؟

شق ثانیه نظر آ ایسه خیالپرورانه برقصیده جیلک اولمغه برابر سیاسی محذورلری بادی اولماز، از جمله شمالی دوستمزی خوبلاندریماز وخومورداندریمازی ؟

أوت. خلافتناماقدیمز؛ بالعموم تورکلرکده، بالجملة عربلرکده، حتی تکمیل اقوام وافراد اسلامیه نك ده امیر وامامیدر. لکن بو؛ سیاست دکل، دینآدر. سلطنة دکل، خلافة در.

براز دقت ایدیلسه وقومیت غیرتنده آزیحق انصاف کوسته ریلسه ده (تورك خاقانك) دنیله جکنه « پیغمبرمرك وکیلی بولونان پادشاهمرك » ده نیورسه عجباً اولمکندن ده اجمعیتی اولمازودرتیوزمیلیون مسلمانك قلوب متحده سنه هیجان شکران کتیرمزی ؟

عصیت قومیه غیرتکشلری بیلمه لیدرلرکه امت عثمانیه نك چاره فلاحی: مسلم اولانلرینك مسلمانلق، غیر مسلم بولونانلرینك ده عثمانلیلق نقطه سنده اتحاد و اتفاقده در.

ظاهر المولوی

.....

صنعت خط

- خطوط اسلامیه منتسبلرندن خالد بك افندی به -

صنعت خط، صنایع نفیسه اسلامیه نك بر شعبه مهمه سیدر. بو بدیع صنعتك منشأیه واضع وموجدلرینه وایجاد وابداع ایتدکلری خطوط متنوعه نك اسملریله اطوار ودقایقه دائر خطاطین عثمانیه دن (عالی) افندیك (مناقب هنروران) (توقادی احمددرویش افندیك) (عرائس الخط) (نفس زاده ابراهیم) افندیك (کلزار صواب)

تراجم احوالی بیلیمک و هر برینک بود قیق صنعتده نه کی تجدد و بدیعهار
کو ستر دکلری او کر نمک لازمه قدر دانیدن اولدیغیچون او اثره اقتفا
ایده رک بو یولده چالش مقده شبهه سز که بزر ایچون واجبه
قدر شناسیدر.

اسلاف خطاطینک (شش قلم) تعیر ایتدکلری کوفی ، ثلث
نسخ ، محقق ، ریحانی ، توقیع ، و بونلره علاوه تعداد ایدیلن
تعلیق ، نست تعلیق ، دیوانی ، رقعه ، سیاق ، چپ ، مسلسل
وسائر کبی قلملرده مندمج صنعت و اینجه لکلری تدقیق و تفریق ایتمک
اربانه معلوم اولدیغی اوزره هر کسه میسر دکلدرد . بو سیدن صنایع
نفیسه اسلامیة شعباتندن یک مهم بر شعبه بی تشکیل ایدن (صنعت خط)
شعبه سنک احیا و ادامه سی خصوصنده موزة عثمانی مدیریتی ارباندن
مرکب بر جمعیت متخصصه تشکیلچون منسوب اولدیغی معارف
نظارتندن تخصیصات لازمه طلبنده بولونمسی زماننک حلول ایتدیکنه
قائل اولان مشتاقین و منسوبین علم خط چار چشمه منتظر در . زیرا
بر قاچ سنه داها بویولده التزام اهل ایدلیدی تقدیرده بر طرفدن - ذاتاً
عددی یک محدود اولان - اربابی قلمایه جفی جهته مقتضای مباینک
قدسیت و علویته متناسب یکی بر لوحه یازیله میه جفی کبی بر طرفدن ده
عدم ذوق و تقدیر دولایسیله اله موجود کو چوک بیوک الواح نفیسه
خراب اولوب کیده جک و شاید بونلردن بر دانه سنک تعمیرینه لزوم
کورونسه اولو حة نفیسه بالطبع صنعت خط دائره سنده تعمیر
ایدیله میه جکندن محوه محکوم قاله جقدر .

اوروپا موزملرینک خط قسمی تدقیق ایدن عثمانیلرک ابن مقله ،
ابن بواب ، یاقوت مستعصمی عبده حیرفی ، خیرالدین مرعشی وسائر
کبی اساتده علم خطک آثاریه برابر تخصیص عثمانی خطاطلری
اساتده سندن اولان شیخ حمد اللهک ، قره حصار ی نک ، داماد شکر اللهک
حسن اسکدار ی نک ، خالد ارضرومی نک ، درویش علی نک ، حافظ
عثمانک ، یدی قله لی سید عبداللهک ، ا کر ی قبولی خواجه راسمک ،
متأخریندن اسماعیل زهدی نک ، یساری نک ، راقمک ، محمود جلال الدینک ،
مصطفی عزتک ، شفیق بک وسائر نک کلام قدیم ، مرقعات مثللو آثار
قیمتدارینک نه قدر اعتناله محافظه ایدلداکاری البته منظورلری اولمشدر
بوصنت دقیقه ک رک و قوف کرک توارث طولایسیله یا با نچی اولان
غریبونک بیله بودرجه تقدیر قیمت ایتملری صنعت نامنه شایان تحسین
اولمقله برابر بزر ایچونده موجب تأمل و انتباه اولمسی لازم کله جکی
آزاده کواهدر .

بروسه لی محمد طاهر بن رنعت

(صو یولجی زاده نجیب افندیکن) (دو حة الکتاب) (مستقیم زاده
سلیمان) افندیکن (تحفة الخطاطین) و (سلسله الخطاطین) و (کو ستنیدیل
مفتیسی شعی) افندیکن (تحفة الخطاطین) اسملرنده کی غیر مطبوع
اثر لریله (ایرانی حبیب) افندیکن (خط و خطاطان) اسمنده کی
مطبوع اثرنده تفصیلات لازمه مندرج اولدیغی کبی تاریخ (ابن خلدون)
مقدمه سنده و امام (راغب اصفهانی) نک (محاضرات الادبا) سنک
(مجامع فی الکتاب و الکتابه) بحثنده ده مسرودات واقفانه محرردر
بونلردن بشقه قواعد خط و کتابته دائر (سلطان علی مشهدی) نک
منظومه فارسیه سیله (قبله الکتاب) شیخ (حمد الله) افندی مر حومک
(منظومه تورکیه) سنده ده ایضاحات مقتضیه مقیددر . [۱]

باب علم نبی ، جناب امام علی ده بوصنت جلیله بی تقدیر و تجلیل
ضمننده (ا کر موا اولادکم بالکتابه فان الکتابه من اهم الامور واعظم
السرور) و (الخط الحسن زهة العیون و زکاة القلوب) و (الخط الحسن
للفقیر مال وللغنی جمال وللحکیم کمال) بیورد کلری کبی (تعلم قوام الخط
یاغی التأدب ، و ما الخط الازیة المتأدب ، فان کنت ذومال فخطک
زینة ، وان کنت محتاجاً فافضل مکسب) قطعه سیله ده تأیید مقصد
بیور مشلردر . آیات جلیله قرأ نیه دن (ن والقلم وما یسطرون) آیت
کریمه سنک تفسیرنده مفسرین عظام حضراتی جانبندن تفسیرات متنوعه
ایراد اولندی کبی شیخ التابعین (حسن بصری) حضرتلری ده (ن دن
مقصد دوات ، (قلم) دن مقصد کتابت ، (یسطرون) دن مقصد خط
اولدیغی آیان ایتشلردر . ایشته مادی و معنوی قدری جلی اولان
بوصنت جلیله نک ترقی و تعالی سنه وقف وجود ایدرک بویولده حیر بخش
عقول الواح قیمتدار وجوده کترین اسلاف کرامک ولو مختصر اولسون

[۱] کتبخانه عمومی ده صنعت خط و کتابته دائر اون یدی رساله بی حاوی
بر مجموعه قیمتدار واردر که مندرجاتی بوجه آتی در :

بضاعة المجود للسنجاری

قصیده ابن البواب فی صناعة الکتاب

شرحها لابن بصيص الشافعی

شرح آخر علیها لابن الوحید

قاعدة فی صنعة بری القلم

لمحة المختطف فی صناعة الخط للابهری الصوفی الصلف

لمحة المختطف فی صناعة الخط الصلف لابن الوحید

کتاب فی شرف الکتاب و الکتابه لعزیز عبدالسلام السلی

عمدة الکتاب وعدة ذوی الالباب مما الف للامیر ابن بادیس صاحب المهدیه

وفیها فن التجلید

کتاب العمدة فی صناعة الکتابه للشیخ عبدالله بن علی الهی

عدة الکتاب من البری و الکتاب لابن مقله

رسالة من علم الخط والقلم لابی علی بن مقله

رسالة لطیفه من علم الخط

کتاب الاصابة فی معرفة اصول الکتابه

فائده فی الخط

فائده اخرى فی الخط

فائده فی الخط للسیوطی